



**Uunga siunnersuut: Soraarnerussutisiaqalernissamut aqqissuussinermut peqataasussaatitaaneq pillugu Inatsisartut inatsisaata allanngortinneqarnissaa pillugu Inatsisartut inatsisaat nr. xx, xx. xxx 2020-meersoq.**

(Aningaasaqarnermut Naalakkersuisoq)

(siullermeerneqarnera)

Siullermik Naalakkersuisut qutsavigerusuppagut uuma siunnersuutip saqqummiunneqarnerata pinnginnerani peqqissaartumik naammassilluakkamillu suliaqarsimanerannut. Maluginiarparput, pisariaqartut akimorlugit tusarnaartoqarlunilu naleqqussaasoqarsimasoq.

Maani Inatsisartuni inatsimmik nutaamik akuersigaangatta, ilaatigut soraarnerussutisiaqalernissamut aqqissuussinermut peqataasussaatitaanermut inatsisit, ilaanneeriarluni inatsit tulluussarneqarlunilu pitsanngorsarneqarnissaa pisariaqartarpoq, atuutsilertitsinissamut aqqut pereeraangat.

Maluginiarparput, uani siunnersuummi inatsimmi pitsanngorsaatisat naleqqussaanerillu arlallit siunnersuutigineqartut, innuttaasunut iluaqutaaginnartussat. Nalunngilarput, soraarnerussutisiaqalernissamut aqqissuussinermut peqataasussaatitaaneq partiinit amerlasuunik sakkortuumik isornartorsiorneqarsimasoq, inatsisissarlu aqqiagiinnginnernik nuanninngitsunik ilaatigullu politikikkut assoralisimaartoqartarsimalluni. Ilaani oqallinnerit ungasillisittarsimavaatigut, aammali qanillisittarluta. Oqallinnerit inernerisimavaat uku allannguutit, annikitsortai ilanngunnagit pitsanngorsaataasussat misilittakkanik, maannamut pisimasatsinnik piviusunngortsinnissaanut aamma inatsisip pinngortikkiartuaarneqarnerani.

Neriuppugut, maanna uunga killilerluta, innuttaasut amerlanerpaat ileqqaarnissamik aalaakkaasumik aallartitsisimasut utoqqalinissamullu ileqqaarnerup pitsaassusaa takusinnaalerlugu.

Isiginngitsuusaarsinnaanngilarput, siunissami innuttaasuni utoqqaat amerliartornissaat. Taamaattumillu pissusissamisoorpoq, sivisuumik sulisimagaanni, soraarninngornissamut ileqqaagaqarsimanissaq, pilersuinissamut tunngavissaq taamanikkussamut pisariaqartitassamut peqataalluni.

Iluarisimaarparput, uani siunnersuuteqarnermi isertitanit akiligassap procentiata qaffannissaa kinguartinneqarmat. Ileqqaartussaanermut piumasaqaatip arriinnerusumik eqqukkiartuaarnerata innuttaasut atuinerat annertusissavaat piffissami, coronavirus pissutigalugu aningaasatigut inissisimanissatsinnik ilisimasaqanngiffisatsinni.

Oqallinnerup annertunersaa pissakinnerit qanoq atugarliortigilersimanerannik imaqarpoq, aammalu, uuminnga inatsimmik eqqorneqarnissaat. Tamanna tunngavigalugu nuannaarutigaarput, uani siunnersuummi arlalinnik iliuseqartoqarmat, pissakinnernut akunnattunillu isertitalinnut iluaqutaasussanik.



Pingaarnertut isigalugu soraarnerussutisiaqalernissamut aaqqissuussinermut peqataasussaatitaanermut inatsisip pitsanngorsarneratut naleqqussarneratullu isigisariaqarpoq. Suliniutit inuppassuarnut iluaqutaasussatut neriutitigisagut.

Taamatut oqaaseqarluta siunnersuut Aningaasaqarnermut- akileraarnermullu ataatsimiititaliamut siunnersuutip aappassaaneernissaanut ingerlateqqipparput.